

na teret ekonomskog koda:

611200 - Naknade troškova zaposlenih,
subanalitika AA0001,
funkcionalni kod 0111 12,00 KM

IV.

Ovo Rješenje stupa na snagu danom donošenja, a objavit
će se u "Službenim novinama Tuzlanskog kantona".

u korist ekonomskog koda:

611200 - Naknade troškova zaposlenih,
subanalitika AA0003,
funkcionalni kod 0111 12,00 KMBosna i Hercegovina
-Federacija Bosne i Hercegovine-
TUZLANSKI KANTON
MINISTARSTVO FINANSIJA

MINISTAR

Suad Mustajbašić, dipl.ecc., v.r.

Broj: 07/1-11-17817/20

Tuzla, 11.09.2020. godine

III.

Za realizaciju ovog rješenja zadužuju se Ministarstvo
finansija i Ured Vlade Tuzlanskog kantona.

948

Na osnovu člana 15. stav 2. Zakona o srednjem obrazovanju i odgoju - prečišćeni tekst („Službene novine Tuzlanskog kantona“ broj: 10/20), ministrica obrazovanja i nauke Tuzlanskog kantona, na prijedlog Pedagoškog zavoda Tuzlanskog kantona broj: 21/1-34-13327/20 od 25.06.2020 godine i saglasnost Vlade Tuzlanskog kantona broj: 02/1-34-13466-2/20 od 14.07.2020. godine, donosi

ODLUKU O IZMJENAMA PEDAGOŠKIH STANDARDA ZA SREDNJE ŠKOLE

Član 1.

U Pedagoškim standardima za srednje škole („Službene novine Tuzlanskog kantona“ broj: 2/04, 14/10, 8/12, 8/13 i 11/17), u poglavlju: IV. - **OBLICI RADA I BROJ UČENIKA U ODJELJENJU I GRUPI**, tabela se mijenja i glasi:

„Škola, oblici rada odjeljenja i grupa, te specifičnosti u radu

Broj učenika u odjeljenju i grupi

Opis	Broj učenika		
	minimalno	optimalno	maksimalno
1.1. Redovna nastava - odjeljenje	20	28	32
Broj učenika u grupi			
1.2. Nastava informatike može se izvoditi u dvije grupe i pod uslovom da škola ima opremljene kabinete*	10	12	16
1.3. Nastava stranog jezika može se izvoditi u dvije grupe i pod uslovom da škola ima opremljene kabinete**	10	12	16
1.4. Izborna nastava	10	12	16
1.5. Ostali oblici nastave koji se organizuju po potrebi (dopunska, dodatna, fakultativna nastava)	12	14	16
Broj učenika			
1.6. Stručno teorijska nastava – odjeljenje	20	28	32
Broj učenika u grupi			
1.6.1. Stručno teorijska nastava nastavnih predmeta čija je realizacija u potpunosti prema nastavnom programu vezana za korištenje informacionih tehnologija uz osiguravanje uslova za rad	10	12	16
1.6.2. drugi nastavni predmeti za koje je NPIP predviđena podjela u grupe, može se izvoditi u grupama uz osiguravanje uslova za rad			
1.7. Praktična nastava Ukoliko NPP nije utvrđen broj učenika u grupi praktične nastave, nastava se može izvoditi u grupama	8	12	16

Izuzetno, škola čiji je osnivač crkva ili vjerska zajednica ili drugo pravno ili fizičko lice, može formirati odjeljenja sa većim brojem učenika od maksimalno propisanog ovim standardima, uz saglasnost Ministarstva.

* Kabinet informatike mora minimalno da sadrži: radno mjesto za svakog učenika opremljeno računarom, računar za nastavnika, LAN/WiFi mrežu, odgovarajući softver u skladu sa NPP, projektor, printer. Škola mora imati odgovarajući broj servera sa ciljem što kvalitetnije realizacije nastave i vođenja administrativnih poslova.

** Kabinet stranog jezika mora minimalno da sadrži: fono-laboratorij koji se sastoji od centralnog uređaja, audio boksa za svakog učenika, multimedijalnih slušalica sa mikrofonom za svakog učenika i softverskog paketa za upravljanje centralnim uređajem, te multimedijalnu tablu ili projektor.

- Odjeljenja učenika sa brojem manjim od minimalnog ne mogu se dalje dijeliti u grupe, izuzev na praktičnoj nastavi.
- Izborna nastava u gimnazijama može se organizovati i sa grupom manjom od minimalno propisane, i to: za grupu od 1-4 učenika sa jednim časom izborne nastave sedmično, a za grupu od 5-9 učenika sa dva časa od sedmičnog fonda časova izborne nastave.
- Ukoliko je broj učenika jednog odjeljenja/grupe u specifičnim okolnostima (nastava Vjeronauke, Religijske kulture, stranog jezika iz više odjeljenja i sl.) manji od propisanog minimuma, škola je dužna organizovati instruktivnu nastavu sa 30-50% fonda časova propisanih NPP, uz organizaciju razrednog ispita.
- Realizacija nastavnih predmeta koja se vrši u grupama, po mogućnosti se organizuje u isto vrijeme za obje grupe, ili se može kombinovati samo sa nastavnim predmetima koji imaju isto sedmično opterećenje, a čija je realizacija takođe organizovana u grupama.

1.8. Oblici nastavnog rada koji se mogu organizovati sa nadarenim učenicima:

- naučno-predmetne grupe15 (od 10 do 24) učenika
- kulturno-umjetničke grupe20 (od 15 do 25) učenika
- rekreativno-sportske grupe25 (od 20 do 30) učenika

Član 3.

Ova odluka stupa na snagu danom dobivanja saglasnosti Vlade Tuzlanskog kantona i objavit će se u „Službenim novinama Tuzlanskog kantona“.

BOSNA I HERCEGOVINA
-Federacija Bosne i Hercegovine-
TUZLANSKI KANTON
Ministarstvo obrazovanja i nauke

MINISTRICA

Fahreta Brašnjčić, prof., v.r.

Broj:10/1-34-13466-3/20
Tuzla, 08.09.2020. godina

949

Na osnovu člana 33. stav (5) Zakona o osnovnom odgoju i obrazovanju-prečišćeni tekst („Službene novine Tuzlanskog kantona“, broj: 10/20), a na prijedlog Islamske zajednice u Bosni i Hercegovini broj: 04-08-2-3035-3/20 od 14.08.2020. godine, Ministarstvo obrazovanja i nauke Tuzlanskog kantona donosi

IZMJENE I DOPUNE NASTAVNOG PLANA I PROGRAMA ZA I, II, III, IV, V, VI, VII, VIII i IX RAZRED DEVETOGODIŠNJE OSNOVNE ŠKOLE U DIJELU PROFILA I STRUČNE SPREME NASTAVNIKA

I.

U Izmjenama i dopunama Nastavnog plana i programa za I, II, III, IV, V, VI, VII, VIII i IX razred devetogodišnje osnovne škole u dijelu profila i stručne spreme nastavnika („Službene novine Tuzlanskog kantona“, br. 8/12, 11/12, 11/18 i 11/20), u tački I. podnaslov „Islamska vjeronauka“ mijenja se i glasi:

„Islamska vjeronauka

Nastavu islamske vjeronauke mogu izvoditi lica koja su završila:

- Fakultet islamskih nauka/islamski pedagoški fakultet za islamske studije i srodni fakulteti, odsjek pedagogija/teologija, odsjek za vjeronauku ili srodni smjer, sa završenim četverogodišnjim dodiplomskim studijem (VII stepen stručne spreme),

- Fakultet islamskih nauka/islamski pedagoški fakultet/fakultet za islamske studije i srodni fakulteti, odsjek pedagogija/teologija, odsjek za vjeronauku ili srodni smjer, sa završenim prvim ciklusom visokog obrazovanja dodiplomskog studija u četverogodišnjem trajanju (240 ECTS) i stečenim zvanjem bachelora,

- Fakultet islamskih nauka/islamski pedagoški fakultet/fakultet za islamske studije i srodni fakulteti, odsjek pedagogija/teologija, odsjek za vjeronauku ili srodni smjer, sa završenim prvim ciklusom visokog obrazovanja dodiplomskog studija u trogodišnjem trajanju (180 ECTS) i stečenim zvanjem bachelora,

- Islamsku pedagošku akademiju sa završenim dvogodišnjim studijem (VI stepen stručne spreme) i stečenim stručnim zvanjem nastavnika islamske vjeronauke,

- Medresu i fakultet nastavničkog smjera sa završenim prvim ciklusom visokog obrazovanja dodiplomskog studija u trogodišnjem trajanju (180 ECTS) i stečenim zvanjem bachelora, uz saglasnost Islamske zajednice ne stariju od šest mjeseci.

Lica koja ispunjavaju uslove za realizaciju nastave iz